

**KJKP "RAD" d.o.o. SARAJEVO**  
**-DIREKTOR-**

**Broj: 05-03-04- /18**  
**Sarajevo, 21.06.2018. godine**

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, direktor Preduzeća donosi:

### **O D L U K U**

**o izboru najpovoljnijeg ponuđača za nabavku usluge pratnje novca**

#### **I**

Najpovoljniji ponuđača za nabavku usluge pratnje novca je firma **Agencija za zaštitu ljudi i imovine "Securitas" d.o.o. Sarajevo**.

### **O B R A Z L O Ž E N J E**

KJKP "RAD" je dana 31.05.2018. godine na Portalu javnih nabavki BiH objavilo Obavještenje o nabavci broj 83-7-2-235-3-114/18 sa objavom kroz konkurentski postupak za izbor najpovoljnijeg ponuđača za nabavku usluge pratnje novca, sa rokom dostave ponuda do 19.06.2018. godine.

Po pokrenutom postupku za nabavku usluge pratnje novca pristigle su dvije (2) ponude i to ponuda firmi: **Agencija za zaštitu ljudi i imovine "Securitas" d.o.o. Sarajevo** i **„BH Sigurnost“ d.o.o. Tuzla**.

Komisija za nabavku u toku provođenja konkurentskog postupka i nakon detaljnog pregleda dostavljene dokumentacije utvrdila je sljedeće:

- Ponuđač **BH Sigurnost d.o.o. Tuzla** nije dostavio svu potrebnu dokumentaciju i to sljedeće dokumente: Izvještaj Centralne banke o stanju transakcijskih računa, a što je bio dužan u skladu sa Tenderskom dokumentacijom i to tačkom 11.1. Ekonomska i finansijska sposobnost, kao i Dokaz o uredno izvršenim ugovorima i Izjavu ponuđača o posjedovanju min. četiri (4) blinda vozila, a što je bio dužan u skladu sa Tenderskom dokumentacijom i to tačkom 11.3. Tehnička i profesionalna sposobnost, te je ova ponuda ocjenjena kao **nepotpuna i neprihvatljiva**.

- Ponuđač **Agencija za zaštitu ljudi i imovine Securitas d.o.o. Sarajevo** je dostavio svu potrebnu dokumentaciju i ponudio cijenu u iznosu od: 20.000,00 KM bez PDV-a i vrijeme odziva na intervenciju od 5 (pet) minuta, te je ova ponuda ocjenjena kao **potpuna i prihvatljiva**.

Obzirom da se radi o konkurentskom postupku javne nabavke kojim je predviđeno sklapanje Okvirnog sporazuma a da je broj prihvatljivih ponuda jedan (1), Komisija daje preporuku Ugovornom organu da u skladu sa članom 69. stav 1. tačka a) Zakona o javnim nabavkama BIH prihvati ponudu ponuđača **Agencije za zaštitu ljudi i imovine „Securitas“ d.o.o. Sarajevo** kao potpunu i prihvatljivu, budući da je dostavio svu potrebnu dokumentaciju te ponudio cijenu u iznosu od **20.000,00 KM bez uračunatog PDV-a i vrijeme odziva na intervenciju od 5 (pet) minuta**.

*Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.*

***Pouka o pravnom lijeku:*** Protiv ove Odluke može se uložiti žalba Ugovornom organu, odnosno KJKP "RAD" d.o.o. Sarajevo, u pisanoj formi u roku od 5 (pet) dana od dana prijema ove Odluke.

***DIREKTOR KJKP „RAD“ d.o.o. Sarajevo***  
***Selim Babić dipl.ing.građ***

***DOSTAVITI:***

- Ponuđačima;*
- Direktor;*
- Komercijalnoj službi;*
- a/a;*